

欽定八旗通志卷二百二

人物志八十二

大臣傳六十八

漢軍鑲白旗二 屈盡美 張問
政 白如梅 馮國相 蕭永藻

白潢 沈廷正 劉輝祖

屈盡美

屈盡美漢軍鑲白旗人由廕生補佐領順治九年

授兵部啟心郎十八年六月遷大理寺少卿七月

遷宏文院學士十月授廣西巡撫康熙二年六月

疏言粵西兵燹後人民稀少武藝未嫻請停癸卯

科武鄉試

允之十二月擢廣西總督是時平樂府猺獞流劫富川恭
城修仁荔浦四縣三年六月盡美攻谷塘下井諸
寨擒斬二千餘又剿恭城縣毛塘等猺分攻鳳頭
牛尾諸寨檄湖廣兵堵截清溪源口盡美率兵由
石口寨進賊敗遁擒逆首黃天貴諸寨相率降九
月令監軍道黃惟鋹攻修仁縣古西猺寨誘擒賊

首廖萬千移師擊永福縣六貢窠賊周晚並妖賊
李太平斬之進剿南隘街村及八排巴山村皆捷
賊悉平四年裁缺回京候補六年六月授漕運總
督七月疏言現裁推官漕糧乏員監兌臣已通行
各省令知府監兌以速漕務

上以盡美不請旨擅通行下部察議部議于同知通判內
斟酌委用盡美降二級准抵尋疏言楚省有漕府
分同知均有清軍及經收厰稅責糧務乃通判職

司應專責監兌從之七年江西巡撫董衛國奏歲暮回空糧舡未到兌糧必致遲悞

上令盡美明白回奏尋奏運糧河道變遷始則清口被淤繼則淮水漲發又黃家嘴駱馬湖等處稽阻致糧船遲到現促卽日南下八年衛國復疏報上屆尾運舡隻至今仍未盡到新漕不能依限過淮部議盡美遲悞降三級調用得

旨依議解任未補官卒

張問政

張問政漢軍鑲白旗人順治九年由貢士授直隸唐縣知縣十三年行取以御史用十五年八月補河南道御史十一月

命巡按廣東十六年九月疏言廣東烟瘴之域文武視爲畏途致委署濫而吏治日淆查衛所守備千總屯糧責任攸關現在部選到任者十八員未任者一員委署者十六員至香山等十五所則現缺無官

請

勅部將選補各員早令赴任庶委員可撤軍糈不誤又疏
言兵以衛民民以養兵廣東兵驕潮州駐防爲甚
一年兩次戍守倏換倏更兵民日成水火鎮臣許
爾顯莅任後約束嚴明兵民相帖臣抵潮郡士民
懇留該鎮皆謂防兵少一番更換民獲無窮休息
是知該鎮久駐不但潮民稱便凡經過州邑並受
其福現經平南王尚可喜題定一年一換請嗣後

三年一換以綏靖地方均下部議行十七年四月
疏言鹽餉關係軍需分毫難容逋欠查富賀一埠
餉納廣東商居廣西營商張標等倚總兵馬雄勢
逋餉三年致鹽道鹽司莫可追求在張標等固法
無可貸而馬雄以封疆大臣庇奸抗課祈

勅部嚴追以懲積玩得

旨張標等提問馬雄降二級留任康熙二年

命巡視兩淮鹽政尋奉

旨內陞以正四品銜食俸借補湖廣道御史十二年六月
遷光祿寺少卿八月轉大理寺寺丞九月遷大理
寺少卿十八年五月遷太僕寺卿七月遷通政使
八月擢工部右侍郎疏言前因兵餉不繼開例捐
納道員以上定例不准捐復獨廢黜知府許援例
復職自開此例部選還職不一其人有甫經革職
卽納銀候選者名爲急公實則馳心名利之場借
此營私取償於下吏及百姓耳雖未敢必其全屬

不肖然前無可取後復何效貪污既足敗檢庸懦
亦堪誤事請嗣後降調知府援例復職試其才猷
量予同知等缺三年無過方予陞轉其革職知府
祇許降捐同知既不沒急公之義復不輕方面之
任飭官方清吏治似爲有益部議知府係州縣表
率其因公降級者仍准捐納還級以原官用革職
概不准捐從之十九年因病乞休

諭解任調理二十年卒

賜祭葬如例

白如梅

子色純

白如梅漢軍鑲白旗人初任佐領順治十一年正月授督捕右理事官十月遷都察院左僉都御史十二年十二月授山西巡撫十三年四月疏言外省大吏廉訪屬員劣蹟去之惟恐不速原非先審而後劾及由按察司轉行府廳各官逐款研訊須證據明確乃得定案斷不能事事與原叅相合故

督叅撫審撫叅督審不令原叅者究擬所以防流
弊也乃在外讞牘例係通詳必待原叅者批允方
得繕疏未免強求情節符合駁而又駁請嗣後惟
許承

旨究擬者核詳定案原叅上司不得批駁果見有徇庇開
脫情弊另行據實糾叅將承問及批允之官議處
則苛求絕而讞擬公矣疏下部議如所請十七年
以督催協濟陝西四川兵餉加兵部尙書銜又以

協濟雲南四川兵餉全行起解加太子少保十八
年六月疏言陽和巨鎮僅一守備難資彈壓請以
新平叅將更調朔州爲雲西極邊請以馬邑守備
移駐天成陽和二衛屯糧舊多逋欠應令中路通
判移駐陽和稽屯清餉又言晉省鑄錢向于太原
平陽潞安汾州設爐十座大同設爐二十座多少
不均請減大同爐座之半增入省城庶不致此贏
彼絀矣疏並下部議行九月擢陝西總督康熙四

年五月裁併山西總督于陝西卽以如梅任之是
年冬額魯特台吉阿喇納所屬蒙古越定羌廟邊
界游牧山丹衛遊擊房玉柱理論不從率兵驅逐
衆蒙古抗鬪傷害我兵十數人我兵合擊乃遁去
鎗斃及斬死者二百餘人獲馬二百餘牛羊千餘
如梅疏報不言我兵陣亡及陣獲馬匹牲畜而僅
云互相對敵殺傷蒙古三十餘人五年九月

上察知其事

勅理藩院遣官以所獲牲畜給還蒙古台吉阿喇納
恩卹陣亡受傷兵丁下部議如梅隱諱罪應革職任

命留太子少保革去總督十五年九月卒子色純初任內
院副理事官順治二年遷刑部啟心郎九年遷宏
文院學士充纂修

太宗文皇帝實錄副總裁官十一年充順天鄉試正考官
擢吏部侍郎十三年四月以員外郎朱世德司權
河西務虧缺稅銀吏戶二部援

恩赦免議部臣並坐瞻徇色純罷任六月起秘書院學士
明年充

經筵講官十五年遷禮部侍郎兼文華殿學士十七
年六月

命署河道總督色純以祖玉銘老病疏辭八月授總督倉
場侍郎康熙二年考滿加工部尙書銜仍督倉場
事四年至七年屢以漕糧全完予紀錄八年八月
上以前此鰲拜輔政時薦劾不公

特詔舉行察典以色純不孚衆論

命降二級隨旗行走十三年七月起爲江西巡撫時逆藩
吳三桂耿精忠反賊黨分道窺伺江西色純旣之
任疏言逆賊逼脅良民割去髮辮意謂

天兵所到必以無辮加罪因而鼓惑人心負嵎死守若得
明勅領兵將弁專戮抗拒賊人其愚懦之民被脅割辮者
概行寬免則脫歸恐後不爲賊用矣至逆賊屯聚
多在城池村莊之外敗竄後所留悉是良民宜令

無所驚怖被賊擄掠子女許各認領並免收繫疏
下兵部議行十二月邑純遣遊擊李天柱敗精忠
僞將王九萬等於會昌又敗之湖城擒僞副將楊
權又遣遊擊田振敗賊西塘擒僞都司鍾喜泰等
十四年二月遣天柱敗三桂僞將陳昇於湯村復
龍泉縣又遣同知顧岱宣諭興國瑞金雲都諸土
賊降其魁謝吉祥曾鳳謝大全等十一月卒於官
賜祭葬如例諡勤僖二十三年正月